

## SECCIÓN AMENA

## INDARRA TA MAÑEA

Ate bat luzaroan egoan ichita,  
 Eta alako baten abiau Benita  
 Egin zan, giltzeagaz bera zabaltzera,  
 Baña, ak ezin eban indarrez ezela;  
 Zergaitik zarrallea ugerraz egoan,  
 Ta giltzeak jirarik egiten ez eban;  
 Baña, abietan da aizpacho gaztea,  
 Esanaz Benitari: zara kokolea,  
 Busti eban orioz laster zarrallea,  
 Bera legeche bardin urrengo giltzea,  
 Sartu eban zulotik eta indar gichi  
 Egiñagaz batera ak eban idigi.

Orduan ezauturik zelan zan mañea  
 Indar andia baño sarritan obea,  
 Arrezkero kargea nik bere geyago  
 Darabilt burdichoan bizkarrean baño;  
 Burdia bere barriz azkoz ariñago  
 Darabilt oriodun sillean badago.

*Indarraren lekuan albada mañea  
 Dabena asmetan ez da burutik dongea;  
 Mañatsuak bagiña munduan ugari,  
 Tiro bategaz geunkez sarri illgo erbi bi.*

FELIPE ARRESE TA BEITIA.